

Ո Ր Ո Շ ՈՒ Մ

17-2-3036  
23 05 18


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

21.05.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարսպետյան, վերանայելով Սարգիս Սողոմոնյանի դիմումի շուրջ ստեղծված նյութերը,

Պ Ա Ր Զ Ե Ց Ի



2018թ. ապրիլի 27-ին Երևան քաղաքի Էրեբունի փողոցի 32 շենքի 34 բնակարանի բնակիչ Սարգիս Սողոմոնյանը դիմումով հայտնել է, որ ստացել է ԱԴ թիվ 533499 որոշումը, որի հետ համաձայն չէ, քանի որ եղել է ամրակապված:

Դիմումի ուսումնասիրությամբ պարզվել է, որ 07.04.2018թ. ժամը 11.05-ի սահմաններում Երևան քաղաքի Աթոյան փողոցում քաղ.Սարգիս Սողոմոնյանի կողմից վարած «Վագ 21901» մակնիշի 379 AL 61 հաշվառման համարանիշի ավտոմոբիլը կանգնեցվել է ճանապարհային ոստիկանության ԵՊԾ 1-ին սպայական գումրատակի 8-րդ սպայական դասակի ավագ տեսուչ, ոստիկանության մայոր Դ.Նիկողոսյանի և նույն դասակի տեսուչ, ոստիկանության կապիտան Ա.Հարությունյանի կողմից՝ ՃԵԱԱՄՕ-ի խախտումների համար, այն է՝ վարորդն ավտոմոբիլը վարել է անվտանգության գոտիով չամրակապված վիճակում և օգտվել է հեռախոսակապից՝ ձեռքի օգնությամբ: Վարորդի նկատմամբ կազմվել է վարչական իրավախախտման վերաբերյալ արձանագրություն և համաձայն ՀՀ ՎԻՎ օրենսգրքի 123.3-րդ հոդվածի, կայացվել է ԱԴ թիվ 533499 որոշումը՝ 5000 դրամ տուգանելու մասին:

Դիմումում նշված հանգամանքների շուրջ նպատակադրված է, որ քաղ.Սարգիս Սողոմոնյանը հեռախոսակապի միջոցով հրավիրվել է ճՈ, որտեղ հայտնել է, որ դիմումին ավելացնելու ոչինչ չունի և խնդրել է քննարկման արդյունքների մասին տալ գրավոր պատասխան:

Ըստ ծառայողների գրավոր բացատրությունների՝ Երևան քաղաքի Աթոյան փողոցում նկատել են, որ «Վագ 21901» մակնիշի 379 AL 61 հաշվառման համարանիշի ավտոմոբիլի վարորդը երթևեկում է անվտանգության գոտիով չամրակապված վիճակում և օգտվում հեռախոսակապից՝ ձեռքի օգնությամբ: Սահմանված կարգով կանգնեցնելուց հետո ավագ տեսուչ Նիկողոսյանը մոտեցել է վարորդին, ներկայացել, հայտնել կանգնեցման պատճառը և պահանջել է փաստաթղթերը: Վարորդն ընդունել է իրեն ներկայացված իրավախախտումները և խնդրել է չարձանագրել, սակայն, հաշվի առնելով, որ խախտումներն եղել են ակնհայտ, պարզ տեսանելի և անմիջապես ծառայողների տեսադաշտում՝ Սարգիս Սողոմոնյանի նկատմամբ կազմվել է վարչական իրավախախտման վերաբերյալ արձանագրությունը, որից հետո ստաջարկվել է ծանոթանալ դրա բովանդակությանը, սակայն վերջինս հրաժարվել է և ստանալով միայն իր փաստաթղթերը՝ հեռացել է:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված

արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Սարգիս Սողոմոնյանի արարքում առկա է վարչական իրավախախտումների վերաբերյալ ՀՀ օրենսգրքի 123.3-րդ հոդվածով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Սարգիս Սողոմոնյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումրատակի 8-րդ սպայական դասակի ավագ տեսուչ, ոստիկանության մայոր Դ.Նիկողոսյանի կազմած վարչական իրավախախտման արձանագրության հիման վրա 07.04.2018թ. կայացված ԱԴ թիվ 533499 որոշումը՝ Սարգիս Սողոմոնյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ԿԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

Կատարող՝ Գ.Օհանյան  
011-567944

*Մկրտչյան*

